

Uunga siunnersuut: Inuussutissarsiummik ingerlataqarneq pillugu Inatsisartut inatsisaata allanngortinnissaa pillugu Inatsisartut inatsisaat nr. xx, xx.xxx 2017-imeersoq

(IIN-normup CVR-normunngorlugu allanngortinnera, kiisalu kalaallisoortaani allannguut)

Inuussutissarsiornermut, Suliffeqarnermut, Niuernermut Nukissiuuteqarnermullu Naalakkersuisumit saqqummiunneqartoq

pillugu

Inuussutissarsiornermut Aatsitassanullu Ataatsimiititaliap

siunnersuutip aappassaaneerpeqarneranut

ISUMALIUTISSIISUTAA

Inuussutissarsiornermut Aatsitassanullu Ataatsimiititaliap suliarinninnermini ilaasortarai:
Inatsisartunut ilaasortaq Peter Olsen, Inuit Ataqtigiit, siulittaasoq
Inatsisartunut ilaasortaq Randi Vestergaard Evaldsen, Demokratiit, siulittaasup tullia
Inatsisartunut ilaasortaq Jens-Erik Kirkegaard, Siumut
Inatsisartunut ilaasortaq Nicolaj Jeremiassen, Siumut
Inatsisartunut ilaasortaq Knud Kristiansen, Siumut
Inatsisartunut ilaasortaq Kelly Berthelsen, Inuit Ataqtigiit
Inatsisartunut ilaasortaq Per Rosing-Petersen, Partii Naleraq

UPA2017-imi ulloq 27. april 2017-imi siullermeerinninnerup kingorna Inuussutissarsiornermut Aatsitassanullu Ataatsimiititaliap siunnersuut misissorpaa.

1. Siunnersuutip imarisaa siunertaalu

Siunnersuut inuussutissarsiummik ingerlataqarneq pillugu Inatsisartut inatsisaannik atuuttumik aqqissuinikkut oqaatsitigullu iluarsiierneruvoq, tamatumani inatsimmi IIN-imik allassimasut CVR-imut allanngortinneqarlutik.

2. Siunnersuutip siullermeerneqarnera

Siunnersuut Inatsisartunit tapersorsorluarneqartoq Inuussutissarsiornermut Aatsitassanullu Ataatsimiititaliap maluginiarpaa.

3. Tusarniaanermut akissutit

Tusarniaanermut akissutit inatsisissatut siunnersuummut ilanngunneqarput, tamannalu Inatsisartut Siulittaasoqarfiata ilusiliinissamut piumasaqaataannut naapertuuppoq.

Inatsisissatut siunnersuut piffissami 2016-imi 19. decembarimit 2017-imi 23. februaarimut ukununga tusarniaassutigineqarpoq: Qeqqata Kommunia, Aatsitassanut Ikummatissanullu Naalakkersuisoqarfik, SIK, Sulisitsisut, KANUKOKA, Kommune Kujalleq aamma Kommuneqarfik Sermersooq kiisalu tusarniaanernut nittartakkamiitinneqarluni.

Tamanna pisarnertut periutsimut naapertuuttutut isigineqarpoq.

Tusarniaanermut akissutit nassiunneqartut Inuussutissarsiornermut Aatsitassanullu Ataatsimiititaliamit misissorneqarput.

Tusarniaanermut akissutit nassiunneqartut inatsisissatut siunnersuummi naammaginatsumik annertussusilimmik unneqqarissumillu issuaavigineqarsimasut aammalu soqutigisaqaqatigiit susassaqartut tamarmik inatsisissatut siunnersuummut nalinginnaasumik annertuumillu tapersersiisut ataatsimiititaliaq naliliivoq.

4. Ataatsimiititaliap siunnersuummik suliarinninnera

Siunnersuut inuussutissarsiummik ingerlataqarneq pillugu Inatsisartut inatsisaannik atuuttumik aaqissuinikkut taamaallaat siunnersuutaammat tamatumunnga annertunerusumik oqaaseqaateqarnissaminut Inuussutissarsiornermut Aatsitassanullu Ataatsimiititaliaq tunngavissaqarsorinngilaq, tamatumunngali taarsiullugu siunnersuut pillugu Inatsisartuni oqaaseqaataasut aammalu inatsisissatut siunnersuutip ataatsimut isigalugu taperserineqarnera innersuussutigissallugit.

5. Siunnersuutip aningaasaqarnikkut kingunerisassai


Siunnersuutip piviusunnigortinneqarnerani aningaasaqarnikkut kingunerisassat siunnersuummut nalinginnaasumik nassuiaatini allaaserineqarput. Tassani oqaatigineqarpoq allannguut aningaasaqarnikkut allaffissornikkullu aningaasartuutinik kinguneqassanngitsoq naatsorsuutigineqartoq.

Allatut naliliinissaminut Inuussutissarsiornermut Aatsitassanullu Ataatsimiititaliaq tunngavissaqanngilaq.


6. Ataatsimiititaliap inassuteqaatai

Siunnersuut akuerineqassasoq ataatsimiititaliap isumaqatigiittup inassutigaa.


Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappasaaniigassanngortippaa.



Randi V. Evaldsen,
Siulittaasup tullia




Peter Olsen, Siulittaasoq



Jens-Erik Kirkegaard


Nikolaj Jeremiassen



Knud Kristiansen



Kelly Berthelsen



Per Rosing-Petersen